

岸竝在楊中之下壁高四十丈色赤故曰照澗而映紅會山之西孤山水南王子所經始臨江皆被以綠竹山高月隱便謂近北則二巫結湖為陰鳥集柯鳴便謂為風也

兩智通沼橫石判盡休周分表引脩隄之逶迤

吐泉流之浩漾山巉下而回澤瀨石上而開道

大小巫湖中隔一山外智周回在圻西北邊浦出江竝是美處義熙中王穆之居大巫湖經始處所猶在兩智皆長溪外智出山之後四五里許裏智亦隔一山出新塚橫山野舍之北而常石野舍之西北巫湖舊唐故曰脩隄長谿甚遠故曰泉流常石磯故曰下巉而回澤裏智漫石數里水從上過故曰瀨石上而開道休山東北周里山在休之南竝是北邊遠

東則天台桐柏方石太平二韭四明五輿三菁

表神異於緯牒驗感應於慶靈凌石橋之莓苔

越檣谿之紆縈天台桐柏七縣餘地南帶海二韭四明五輿皆相連接奇地所

無高於五嶽便是海中三山之流韭以菜為名四明方石四面自然開窗也五輿者曇濟道人蔡氏鄒氏謝氏陳氏各有一輿皆相椅角竝是奇地三菁太平之北天台之始方石直上萬丈下有長谿亦是縉雲之流云此諸山竝見圖緯神仙所居往來要徑石橋過檣谿人跡之艱不復過此也遠南則松箴棲雞唐岷漫石崕嶮對嶺

葩孟分隔入極浦而邐回迷不知其所適上嶽

寄而蒙籠下深沈而澆激棲雞在保口之上別浦入其中周回甚深

四山之裏松箴在棲雞之上緣江唐岷入太平水路上有瀑布數百丈漫石在唐岷下鄒景與